

	Skjåk kommune	Arkivsak: 2018/885-7 Arkiv: J47 Saksbehandlar: Eli Johanne Lundemo Dato: 11.09.2019
---	----------------------	--

Saksframlegg

Utv.saksnr	Utval	Møtedato
	Formannskapet	17.09.2019

Nytt treningssenter i Skjåk

Saksdokument

Saksutgreiing

Skjåk kommunestyre gjorde 21.02.2019 slikt vedtak:

«Skjåk kommune inngår avtale med Skjåk Industriutleigebygg AS om å leige lokale i Gamle snekkeriet «Hall F», Industrivegen 60, G nr 126, b.nr 153 i ei periode på 12 år, jf. vedlagte forslag til leigekontrakt.

2. Utgiftene første året blir dekt av tidlegare løyvde skjønnsmidlar til frisklivssentral, konto 25 112 15.
3. Utgifter til lokalleige dei neste åra blir innarbeidd i kommunens driftsbudsjett, kompensert med ein inntekstpost dekt av brukargebyr/medlemskontigentar.
4. Det blir søkt om eksterne midlar til innkjøp av utstyr frå statlege styresmakter, fylkeskommune og privat næringsliv.
5. Fastsetjing av kontingent/brukarbetaling, der det blir vurdert reduserte prisar for ungdom/studentar og andre grupper, blir lagt fram som eiga sak.»

Ombygging av industrihallen til treningssenter har teke ein del tid, men nå er det i ferd med å bli ferdigstilt. Senteret har universell utforming både av treningsområda og garderobane, slik at det kan nyttast av alle, uansett funksjonsnivå. Dette har vore eitt av hovudargumenta for å etablere det.

Kommunen har søkt om og fått inn eksterne midlar til innkjøp av utstyr, mv. Dette gjer det muleg å starte senteret med nytt utstyr. Men det vil i tillegg vere nødvendig å nytte delar av utstyret som er i Skjåkhallen i dag. Utstyr det er snakk om er spinningssyklar, tredemølle og ev vektutstyr. Vidare må det takast stilling til om dagens styrketreningsrom i Skjåkhallen skal vidareførast eller om det vil vere mest fornuftig å stenge rommet.

Vurdering

I saka 21.02.19 var det presentert alternative betalingssatsar knytt til treningssenterabonnement. Det var eit ønske om graderte satsar til låginntektsgrupper, ungdom og folk med ulike funksjonsnedsettingar.

Nytt forslag til satsar

Det er laga eit nytt forslag til satsar, der det er forsøkt å ta omsyn til desse føringane. Ved fastsetjing av pris for bruk av dei nye treningslokala er det fleire omsyn å ta. Pris skal ikkje vera til hinder for nokon som ynskjer å trene, samstundes må drift av lokala kunne dekkas inn av medlemsbetaling. I tråd med dei føringane som var lagt av kommunestyret, er det hensiktsmessig å gje rabatterte priser for grupper med spesielt stort utbytte av trening. Prisen bør òg sjåast i samanheng med prisnivået på samanliknbare aktivitetar i området da dette påverkar betalingsvilja til folk. Dette vil også måtte vurderast opp mot dagens prisar. Dagens pris for å bruke treningsrommet i Skjåkhallen er:

Vaksne:

12 mnd. 625,-

6 mnd. 400,-

Ungdom/student:

12 mnd. 424,-

6 mnd. 250,-

Det vart seld ca 130 adgangskort til styrkerommet 2018.

Satsar for trening i treningssenteret i Utgard i Lom

* Løpende månedlig trekk - Kr. 350,-. For ungdom/ senior mm. - Kr. 200,-.

* Halvårsavtale - Kr. 1.800,-./ Månadleg kr. 300,-. For ungdom/ seniorar - Kr. 990,-./ Månadleg kr. 165,-.

* Årsavtale - Kr. 3.200,-/ Månadleg kr. 266,67 For ungdom/ senior mm. - Kr. 1.800,-./ Månedlig kr. 150,-.

På Dombås treningssenter brukar ein slike satsar:

Eingongssum: 150,- kroner.

Eitt års binding: 325,- kroner per månad.

Utan binding: 430,- kroner per måned.

Vekekort: 250,- kroner.

Elixia/SATS Lillehammer:

Uten tilgang til gruppetimer 499,- pr mnd

Med tilgang til gruppetimer 649,- pr mnd

Samanlikna med andre treningstilbod er tilbodet i styrketreningsrommet i Skjåkhallen svært rimeleg. Det kan også visast til at det er eit gratis tilbod om spinning i andre etasje i hallen. Ei av hovudutfordringane med både styrketreningsrommet og spinningrommet er at det er trapper som må forserast for å kome dit, noko som diskvalifiserar mange med helseutfordringar, men som vil ha stor treningsnyttei å bruke tilbodet. I praksis har Skjåk eit sterkt rabattert tilbod til funksjonsfriske, og manglande tilbod til folk med behov for tilrettelegging av ulikt slag.

Under er forslag til prisar i det nye treningssenteret:

	Månadspris	Halvår	År
Vaksen	300,-	1500,-	2800,-
Ungdom/senior*	130,-	700,-	1300,-
Uførepensjonistar**	130,-	700,-	1300,-

*Senior: frå fylt 62 år. Ungdom: Fylgje same retningslinjer som for styrkerommet i dag. Tillete bruk frå 10. kl. med samtykke frå foreldre.

**formannskapet ønskjer ei differensiering slik at låginntektsgrupper også kan bruke tilbodet utan at det kjennest som ei altfor stor utgift. Her er det muleg å differensiere meir, men i utgangspunktet prøver i oss på same pris som ungdom og seniorar generelt må betala.

Vi må også finne fram til ein eigna drop-in-pris. Betaler ein 50 kr gongen så vil det vere muleg for dei som er på besøk eller heime i helgane å bruke tilbodet utan å kjøpe månadskort. Om du går ein gong i veka vil du betale det same som eit månadskort. Det vil kunne gje incitament til å kjøpe månadskort og kanskje trene oftare.

Det vil vere aktuelt for skulen å nytte treningssenteret. Det må lagast eit bookingssystem som gjer at skuleklassene kan nytte treningstilbode i skuletida utan at kommunen skal fakturerast for denne bruken. Opplegget for tinging av treningstid skal det jobbast vidare med i lag med skulen.

Overgangsordningar

For at dei som har betalt halvårs- eller årskort i styrketreningsrommet i idrettshallen ikkje skal oppleve at dei har betalt for eit tilbod som ikkje lenger eksisterer, vil det kunne vere ei overgangsordning der dei nyttar det nye tilbodet innanfor ramma av det dei allereie har betalt for. Når nåverande kort går ut, må dei kjøpe nytt medlemskap på lik line med andre.

I starten vil det også kunne etablerast starttilbodspakker, som gratis personelg trenar eller gruppetreningar som ein normalt må betale for.

Gruppeaktivitet og utleie av lokalet

Lokalet er lagt til rette for gruppeaktivitet med ein sal på om lag 100m². Det er ynskjeleg og positivt å få eit breitt og godt aktivitetstilbod inn i salen. Tilboda bør kunne driftas av både privat og friviljuge. Det er gjort vurderingar i forhold til korleis ein skal få til dette og eit forslag er at private som ynskjer å etablere aktivitetstilbod og ta betaling for tilbodet sitt, betaler ei leige 350 kr timen. For å stimulere til mest mogleg aktivitet og brukarstyrte lågterskel tilbod er det forslag om at friviljuge som ynskjer å etablere tilbod (t.d. spinning) kan gjera det utan å betale leie. Føresetnad her må vera at tilbodet er tilgjengeleg for alle som betaler medlemskap i treningslokala. Merk at betalt adgangskort er ein føresetnad for å delta på tilbodet. Dette bør ligge til grunn for å sikre finansiering av lokalet.

Kommunedirektøren si innstilling

1. Satsane for bruk av treningssenteret i Bismo blir fastsett slik tabellen under viser.

	Månadspris	Halvår	År
Vaksen	300,-	1500,-	2800,-
Ungdom/senior*	200,-	1000,-	2000,-
Uførepensjonistar**	200,-	1000,-	2000,-

--	--	--	--

2. Utstyr i dagens styrketreningsrom som kan nyttast, blir flytta over til treningssenteret. Styrketreningsrommet i Skjåkhallen blir stengt. Alternativt at det blir vidareført med noko redusert utstyr.
3. Dei som har gyldig halvårs- eller årskort i hallen/styrketreningsrommet, kan nytte dette i treningsrommet fram til det går ut. Etter dette må dei betale dei satsane som gjeld for andre brukarar.
4. Det blir kjøpt inn eit dørkontrollsystem frå certego, som er same selskapet som kommunen nyttar i dag. Dette er innanfor rammene som er sett av til drift av treningssenteret.
5. Kommunen er i gong med å innføre eit administrasjonssystem for dei kommunale idrettsanlegga, administreringa av treningssenteret må om muleg koplast opp mot dette.
6. Det blir kjøpt inn utstyr for å bygge ut utstyrsparken etter kvart som budsjettet tillet det.
7. Drift av treningssenteret blir innarbeidd i budsjettet for 2020.